

Ina vera via dalla crusch

Autor(en): **Beer, Maria**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **76 (1991)**

Heft 3

PDF erstellt am: **11.07.2024**

Persistenter Link: <https://doi.org/10.5169/seals-881870>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ina vera via dalla crusch

Luvrar e barhar dall'alva entochen la stgira, quei era la veta dil pur muntagnard. Cul fein, risdiv e schizun tersiel fuva secs per metter sut tetg, lu entschevevan per il pur las pli stuffias uras. Cul risti fageva la pura si bratschs (sco ei vegneva detg). Quels vegnevan tschentai en in blah ni in sughet da curom fatgs sco terschola. Lu vegneva stagnau ferm e stagn e ligiau ensemen. La mumma ni dus affons vevan d'alzar il buordi sin tgau e schui dil bab, il qual steva cun in schanugl giun

plaun. Enqualga vegneva il pauper bab quasi derschius ed el stueva fitgar pei cun tutta forza per buca sederscher. E lu entscheveva ina vera via dalla crusch. Co curdava il suadetsch da sia fatscha rubigliada ed il viadi fuva il bia liungs e teis, entochen ch'el arrivava da porta clavau en. La schanuglia deva ensemen e fageva tscherchel sco da dar mintga mument entuorn. El vegneva smaccaus dalla peisa ed ils mauns che tenevan il buordi marventai vi. E quei strapaz serepeteva adina durant la calira dil di. Contas ga pudevan quels umens e babs dumbrar ils pass

ch'els vevan da far, e co sedustar dallas mustgas culs mauns fitgai el buordi. Oz ei quella veta strusch capeivla e tuttina eis ei stau aschia, tgi saveva lu da carrs cun tractor che van cun cargunas.

E pér en clavau, leu stueva il pur sdernar il pavel pil ladretsch entuorn, e vegneva quel memia aults, stueva el ir d'ina scala si per saver derscher entuorn il ponn. Quei suenter esser staunchels dil strapaz. Tuttina mava el cuntents encunter casa e durmeva sc'in crap.

Maria Beer